

Reaccion di residentenan ARU:

Riba e di tres permiso di molester na Windpark Urirama NV



ORANJESTAD - E di tres “hindervergunning” a wordo otorga dia 19 di october 2015. Esaki a yega na conocimiento di e abogado di e residentenan di Urirama, dor cu e apoderado di e organo gubernamental a compar-

ti esaki cun’e den pasada. E organo gubernamental mes a keda sin pone e residentenan di barío na altura di e otorgamento di e di tres “hindervergunning” ahusta.

A pidi un copia na Depar-

tamento di legislacion di e “hindervergunning” duna, pero via telefon nan a avisa cu ta director mester dicidi si ta haya un copia si of no. E no ta trata di un permiso nobo, no obstante un “hindervergunning” cu ta basa riba e permiso cu a wordo duna anteriormente dia 5 di juni 2015.

Contra e sentencia di 25 di mei 2015 di corte di Prome Instancia, pa cual e residentenan a wordo declara no admisibel, e residentenan a bay caba den “beroep” antes. Pasobra e consideracion di e prome hues cu ta sigui no ta cuadra: E hues den prome instante ta delibera cu e Windpark no por uza (mas) ni desea di haci uzo mas di e “hindervergun-

ning” cu a wordo duna. Pa e motibo ey hues ta pensa erroneamente cu e permiso anterior (nr 1 y 2) no lo conduci na e establecimiento di un parke di molina di biento y pues mucho menos lo tin consecucionan factual (negativo) pa esunnan cu ta biba rond. Pa e motibo ey e residentenan a wordo declara no –admisibel. Den e aviso den corant, Amigoe di 25 di juni 2015 a duna di conoce e peticion pa e cambio di e permiso cu ta existi conforme na e “Hinderverordening” pa e establecimiento di un parke di molina di biento di 8 turbina di biento di 3.3 MW poni na Urirama (...)

E cambio ta inclui e hisamento di capacidad di 3 Megawatt pa 3.3 megawatt no ta trata

e peticion como uno nobo, sin embargo ta laga e peticion aki sigui construi riba e hindervergunningnan cu a wordo otorga ya caba. Ta wordo papia di un ahustacion di un permiso cu ta existi!

A lesa den Noticia Cla cu Hutting ta duna di conoce cu e ta spera cu comision di LAR lo tuma mesun decision. Pero e residentenan ainda tin e speranza cu hues den apelacion si lo trata e caso pa su contenido e biaha aki, mirando cu gobierno ta laga e permiso nobo wordo basa riba esun di 25 di juni 2014. Di tur manera y pa seguridad e residentenan tambe lo entrega un “bezwaarschrift” apart contra e di tercer beschikking di 19 di october 2015. □